

ՀՀ քաղաքաշինության կոմիտեի
բնակարանային ֆոնդի կառավարման և
կոմունալ ենթակառուցվածքների վարչության
պետ Տանյա Արզումանյանին

Հաշվետվություն

Բնակարանային ֆոնդի կառավարման և կոմունալ ենթակառուցվածքների
վարչության փորձագետի կողմից կատարված աշխատանքների
Ժամանակահատված 15.06.2022-31.08.2022թ.

ՀՀ քաղաքաշինության կոմիտեի (այսուհետ Կոմիտե) գլխավոր քարտուղարի
14.06.2022թ. N25-Ս/2 հրամանով ընդունվել են աշխատանքի ՀՀ քաղաքաշինության
կոմիտեի բնակարանային ֆոնդի կառավարման և կոմունալ ենթակառուցվածքների
վարչությունում՝ որպես փորձագետ, որի հիման վրա 2022 թվականի հունիսի 15-ին կնքվել
է N06 պայմանագիրը:

Հաշվետու ժամանակահատվածում՝ 2022 թվականի հունիսի 16-ից մինչև 2022
թվականի օգոստոսի 31-ը իմ կողմից աշխատանքներն իրականացվել են Կոմիտեի
նախագահի 2022 թվականի հունիսի 4-ի N60-Ս/3 հրամանով հաստատված՝
բնակարանային ֆոնդի կառավարման և կոմունալ ենթակառուցվածքների վարչության
փորձագետի կողմից իրականացվող աշխատանքների ծրագրի համաձայն:

Իրականացման ենթակա աշխատանքներն աղետի գոտու բնակավայրերում
երկրաշարժի հետևանքով անօթևան մնացած ընտանիքների բնակարանային խնդիրների
լուծմանն ուղղված պետական աջակցության ծրագրի (այսուհետ Ծրագիր) շրջանակներում
հավաքագրված շուրջ 7000 ընտանիքների փաստաթղթային փաթեթների
նախապատրաստում արխիվացման համար և թվայնացում (սկանավորում):

Կատարված աշխատանքները

Աշխատանքները մեկնարկել են ՀՀ Լոռու մարզի Շիրակամուտ և Սարահարթ
համայնքների մասով:

Յուրաքանչյուր համայնքի համար փաթեթները դասակարգվել են ըստ հետևյալ
կարգավիճակների՝

- Ծրագրի շրջանակներում ՀՀ կառավարության 2008 թվականի նոյեմբերի 13-ի
N1337-Ն որոշման (այսուհետ՝ Որոշում) համաձայն 2008 թվականի դեկտեմբերի 15-ի
դրությամբ հաստատված ցուցակներում (այսուհետ Հերթացուցակ) հաշվառված և ծրագրի
շրջանակներում շահառու ճանաչված կամ չճանաչված ընտանիքների փաթեթներ,

- Հերթացուցակում հաշվառվելու իրավունքը դատական կարգով վերականգնած
ընտանիքների փաթեթներ:

Փաթեթները դասավորվել են հետևյալ տրամաբանությամբ՝ փաթեթի սկզբում տեղ են գտել Ռոռշման համաձայն համայնքերից ստացված փաստաթղթային փաթեթներն, այնուհետև փաթեթների համալրման նպատակով հավաքագրված լրացուցիչ (այդ թվում թարմացված) փաստաթղթերը

Խմբավորվել են Ծրագրի կազմակերպմանը և իրականացմանն առընչվող գրությունները, հարցումները, ցուցակները և այլ փաստաթղթեր:

Նշված գյուղական բնակավայրերում բնակարանային պայմանների բարելավմանը հավակնող ընտանիքների փաստաթղթային փաթեթները և Ծրագրի իրականացմանն առընչվող այլ փաստաթղթեր նախապատրաստվել են արխիվացման համար, ստեղծվել են փաթեթներում առկա փաստաթղթերի ցանկը, յուրաքանչյուր փաթեթի համար ընձեռնելով տեղեկատու-որոնողական հնարավորություն:

Մասնավորապես նշված տրամաբանությամբ արխիվացման համար նախապատրաստվել են՝

- ՀՀ Լոռու մարզի Շիրակամուտ համայնքի ղեկավարի կողմից 2008 թվականի դեկտեմբերի 15-ի դրությամբ հաստատված հերթացուցակում հաշվառված թվով 144 ընտանիքների փաստաթղթային փաթեթները,

- ՀՀ Լոռու մարզի Սարահարթ համայնքի ղեկավարի կողմից 2008 թվականի դեկտեմբերի 15-ի դրությամբ հաստատված հերթացուցակում հաշվառված թվով 75 ընտանիքների փաստաթղթային փաթեթները:

Յուրաքանչյուր ընտանիքի փաթեթ դասավորվել, կազմվել, ցանկավորվել և կարվել է առանձին թղթապանակի/արագակարի մեջ, որի դիմերեսին լրացվել են փաթեթի վերաբերյալ հիմնական հակիրճ տեղեկությունները: Նշված փաստաթղթերը սկանավորվել են:

Արդյունքները

Հաշվետու ժամանակահատվածում արխիվացման համար նախապատրաստվել է ՀՀ Լոռու մարզի բնակավայրերի կտրվածքով թվով 219 փաստաթղթային փաթեթ:

Արխիվացման համար նախապատրաստված բոլոր 219 փաթեթները սկանավորվել և պահվում են PDF ֆորմատով էլեկտրոնային կրիչի վրա:

Բնակարանային ֆոնդի կառավարման
և կոմունալ ենթակառուցվածքների
վարչության փորձագետ՝ հաշվետու

Հասմիկ Արզումանյան

Անմիջական ղեկավար

Տանյա Արզումանյան

31.08.2022թ.

ՓՈՐՁԱԳԵՏԻ ԿՈՂՄԻՑ ԿԱՏԱՐՎԱԾ ԱՇԽԱՏԱՆՔՆԵՐԻ ԳՆԱՀԱՏՈՒՄ

(հաշվետու ժամանակահատված՝ 15.06.2022-31.08.2022թ.)

ՀՀ քաղաքաշինության կոմիտեի բնակարանային ֆոնդի կառավարման և կոմունալ ենթակառուցվածքերի վարչության փորձագետ՝ Հասմիկ Արզումանյանի կողմից կատարված աշխատանքները գնահատվում են.

1.բավարար ✓

2.լավ

3.գերազանց

Անմիջական ղեկավար՝

31.08.2022թ



Տանյա Արզումանյան